

UGOVOR

za usluge štampanja omota spisa i ostalog štampanog materijala

Zaključen između:

BOSNA I HERCEGOVINA - USTAVNI SUD BOSNE I HERCEGOVINE, Reisa Džemaludina Čauševića 6/III, Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**)

i

„**A DIZAJN**“ **d.o.o.**, Ul. Put Famosa br. 38, Sarajevo, ID broj 4201646970008, koga zastupa Elmir Bjelak, direktor (u daljem tekstu: **Izvršilac**)

Član 1.

Predmet ovog ugovora je štampanje omota spisa i ostalog štampanog materijala prema definisanim uslovima iz tenderske dokumentacije broj P3-213/16 i prema sadržaju ponude Izvršioca broj 01-06/16 od 1. juna 2016. godine, koja je sastavni dio ovog ugovora.

Član 2.

Cijena za štampanje omota spisa i ostalog štampanog materijala prema ponudi Izvršioca iznosi 2.447,50 KM bez PDV-a odnosno 2.863,58 KM sa uračunatim PDV-om.

Član 3.

Izvršilac se obavezuje da će roba iz člana 1. ovog ugovora u potpunosti odgovarati traženim tehničkim elementima iz zahtjeva Naručioca za dostavljanje ponude broj P3-213/16, odnosno da će odgovarati dostavljenim uzorcima po kvalitetu papira i dimenzijama.

Izvršilac se obavezuje da će poslove iz člana 1. ovog ugovora izvršiti najkasnije u roku od 40 dana od dana zaključenja ugovora.

Izvršilac se obavezuje da će Naručiocu sukcesivno isporučivati robu iz člana 1. ovog ugovora u prostorije Naručioca u ulici R. Džemaludina Čauševića 6, Sarajevo - III sprat, najkasnije u roku od 5 dana od dana prijema usmene ili pismene narudžbe, te da će istu pratiti potrebna dokumentacija.

Izvršilac se obavezuje da će dostaviti fakturu na osnovu otpremnice potvrđene od strane Naručioca da je preuzeo robu koja u potpunosti odgovara traženim tehničkim elementima. U slučaju odstupanja od uzoraka, Naručilac će vratiti materijale na ponovno štampanje o trošku Izvršioca.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po prijemu robe bez primjedaba i dostavi fakture, istu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 4.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima.

Član 5.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.

Član 6.

Ovaj ugovor stupa na snagu danom potpisivanja od strane ovlaštenih lica ugovornih organa.

Član 7.


Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

ZA IZVRŠIOCA

Elmir Bjelak
Direktor



Datum: 21.07. 2016.
Broj: 21-07/16



Mirsad Čeman
Predsjednik

Datum: 21. 7. 2016.
Broj: P3-213/16